

閩都別記

第 貳 集



福州萬國出版社印行

中華民國三十五年

閩都別記

第二集

福州萬國出版社

閩都別記雙峰夢卷之二目錄

里人何求纂

第十四回

塔寺落成王節度拜座

公私兩濟周啓文還金

第十五回

明制精情懷紅紛女

原借銀今還紫黃金

第十六回

改王府第一樓啓勝

祭名山六千金暗隨

第十七回

周啓文祭畢霍童太姥

王月英計遂正娶明婚

第十八回

月英顯仙術弄隣子

周拱隨妻遁遇故人

第十九回

螺女廟題詩妯和娒

烏龍江被浪難救災

第二十回

啓文得交信報無到

青娘愛夫卦占有靈

第二十一回

洛陽造橋觀音顯應

鬢髮化蛇臨水降生

第二十二回

杞蓮能言書堂結禍

靖姑避婚閩山學法

第二十三回

鬼改法門虎婆游食

妖佔商婦元君別師

第二十四回

靖姑割肉被父癰母疽

元君救難收猴怪虎婆

第二十五回

丹霞捧打夾石精

靖姑法收蜘蛛怪

第二十六回

忿邪迷求救陳靖姑

施雙針石夾挨拔鬼

第二十七回

蛇精好美色鬼代擄

杞蓮因才貌腦幾亡

第二十八回

走蛇男遺應識後患

救夫堵了洒泡前緣

第二十九回

劉尙傑檢契聽書

衆鄉鄰代地添骨

第三十回

買保地符尙傑重遭哄騙

上天曹銀百均暗裏挽回

閩都別記雙峰夢卷之二

里人何求纂

第十四回 塔寺落成王節度拜塔 公私兩濟周啓文還金

却說周拱送了王月英回進公館獨自籌思那里有此等期遇得了絕色佳人又有黃金千鎰只恐我周拱福薄難以消受既得佳人足甚再得黃金過於滿盆不祥我周拱若無周啓文提拔焉有今日王月英之情不可斷周啓文之義更不可負來日將此六塊黃金與兄長代還北山楊大人借項豈不公私兩濟只是不可實告到那時隨機應變心腹商之已定始上床去睡此且不表却說梵刹浮屠早已告竣王節度先來驗閱大稱得意寺名萬歲寺塔號定光分派僧衆供奉香燈至八月十五日文武百官早來萬歲寺前站班王節度駕臨鐘鼓齊鳴音樂接奏幢幡寶蓋影動龍蛇寶相金花光搖日月王節度親詣梵王宮殿各恭身頂禮捻香安座隨上定光塔中七層蓮座立住塔頂面前之石塔相對宛如龍角甚羨佳勝隨赴石塔寺行香亦上石塔觀看一回卽威武衙門不表

萬歲寺唐天佑元年閩王審知建又創定光塔粉曰卽名白塔又有三山閣一華亭諸勝後唐貞明二年春夏不雨僧義收者積薪自焚炬舉而雨後遊洪州衆留之截右臂曰吾去不雨出此以禱必應衆塑其像以臂附之宋時猶存至明嘉靖十三年二月十九日雷震萬歲寺浮屠火起如巨燭照城中外九十里有鐵鼎覆其顛大書屠人握閩雨衣三拜未火前一月明屠僑爲藩左伯從南門入衆以爲城當回祿至是果應屠詣寺拜禱惶遽不及鋪毡只用雨衣拜不及四其鼎墮地遂已

明王恭遊萬歲寺詩云

絕頂層標出半天 千山宮宇翠微連 雲飛百粵滄波外 鳥度千峯夕照邊 平遠臺空秋風冷

毗廬閣靜夜燈懸 屠龍射繕今何在 蔓草荒陵幾度烟
林登於定光寺詩云

寶塔與天齊 躋攀望欲遠 城圍萬戶小 天盡衆山低 獨鶴飛烟外 殘虹挂嶺西 海門戈未息
極目思淒淒

拂如氏白塔詩云

定光塔白燦玲瓏 月照空明八面通 玉筍凌雲龍角現 兔毫出漢雁排空 清高有節擎天共

直淨無瑕多寶同 乃是前王遺勝跡 萬年不改鎮閩中

洪士英登石塔詩云

寺廢塔猶存 經年不啓門 憐佛閒指上 石燈始能們 雞犬烟中市 桑麻雨外村 殘碑雖剝蝕

彷彿辦貞元

且說周工正啓文在萬歲寺伺候王節度捻香安奠寶座畢回至公館全周拱林保將數目核算寺塔共用銀八千八百零開了數冊呈進威武軍衙門王節度閱訖隨批出云周工正承辦城垣佛宇調度有節甚屬可嘉俟另行議叙外先將所剩之銀賞給以示鼓勵周啓文接受批文隨起謝賞畢仍回公館時金烏已墮王免初升周拱辦有酒席全林保三人在於庭前賞月飲酒中間啓文曰今日蒙邀上官獎勵一乃林司務提調有法二係賢弟輔佐得宜有福應同享受一千二百兩之金將來勻分林司務三百二弟三百留三百通分各主副都並在工之人衆那黃泰無能驚走亦要勻分交伊妻子盧胃三弟及諸親友另再分送使大家歡喜齊沾恩惠如何林保便答曰我的老爺燒水殺鰲魚想錯了現今負了大債一釐未還起將此銀來開消愚意且把此一千二百銀攔着到底大家來商量那里挪湊數送還財主可完一宗大事老爺通他不會來取討若來索討時就大大不妙了啓文曰此項未還我豈不知日夜掛懷另日我自去神前求懇寬緩將來遇有機會即便送

還今此一點濟得真事不來大家分分還待何時林保笑曰老爺此說還等機會纔有銀子還財主若論小機會將來無定若論此巨萬機會將來未必除非去黃鶴樓請呂純陽來把烏石山點成赤金纔發啓文破林保說低頭無語周拱因之答曰也不須請呂純陽來點化成金大大機會到有現成一個在此說也只恐不信若信還財主有餘哩啓文曰賢弟汝亦來取笑爲兄周拱曰何如未說出就先不信了林保曰二老爺汝有甚大機會卽管說來老爺不信我信周拱曰昨夜三更我一人在公館門首望月只見六個黃兔渾身放光走到塔下我潛身追至山那邊黃兔忽變黃鬼極猙獰兇惡卽是前番拿我塞泥之鬼我一見驚得難跑那鬼說前塞未死今再拿來塞忽聞林中有入喊曰這妖精貴人都不職耶敢大胆放肆六鬼聞言仍變六兔跑走那老人從樹中行出是一個白髮老公公我向前致謝那老人曰此間有財寶指與汝得之方纔非六鬼乃是六塊黃金之精五百年前王神仙所埋交與老漢看管俟王家子孫興發時發現與人得之今王氏興發此精因將出現故屢屢來驚人老漢也管不住看官人乃有福之人指點汝去得之免我日夜防他不暇我卽跪下求教他曰要先到王神宮告以開挖丙丁日起發卽於此山上兩株大榕樹中間上面先用青草燒焦後開挖下面有黃金六塊將近千兩折銀萬餘起出卽須入火煉過終不能再變當緊記勿忘老漢去也我還要問那老人忽然不見想必是土地公了我隨至榕樹中間認明了住處回來今早卽要說出因事匆忙未說今夜說了其中虛實誠未可知惟大哥哥林司務詳度之啓文笑曰吾弟奇想天開被鬼戲弄林保曰逢黃白鬼卽是金銀精不錯不錯有此機遇不可錯過明日照此行爲有則可賀無則罷了並無什麼折本他啓文曰雖無折本被人知之有無都不便的林保曰那里與人知得莫若先求安人下一掛如吉兆現在石工未竣託言搭廠起爐燒鋼鐵暫爐火現成至夜間石上去盡我們漫漫開挖有誰知覺如卦兆不吉便熬開周拱曰妥極今日乙巳明日卽是丙午明日我先去求卦再來相議時已四鼓各自進房安歇次早周拱起來洗了手面直至烏石山家裡見過嫂嫂照昨夜席間之語述了一遍吳安人卽排香案請出龜盒三叩遂占一爻爲澤卦隨批斷曰兌者

悅也兌爲少女有女愛悅無不貞利似得金又得美婦兌下純金秋正當旺必有盈千兌在九宮其色赤其數七赤金必有七塊但內外爻有變動之異幸今日丙午之火可尅制不能變動宜速開爲妙吳安人斷畢將卦紙交與周拱謂曰此卦象不但得金似得有佳人之象周拱接着了暗想真好靈卦卽忙回到公館將卦送與啓文林保全看各大喜三人同至後山周拱指明雙榕樹處所林保卽吩咐石匠曰寺中已經打掃潔淨可將燒暫爐廠搬在外面依山搭蓋匠工衆人卽刻將寺內舊廠折開林保先令將茅草扒堆於榕樹中間放火燒之至上赤方止或問燒之何故曰此處有鬼怪不把他燒走留此嚇人耶衆聞說有鬼怪燒了又燒遂在榕樹下搭架一大爐廠將鐵爐鐵盾抬進林保叫各匠都來起爐燒鋼石鑿林保在山調度搭廠周拱同兄早到西宮點了香燭同跪王霸仙人座前默告曰弟子周啓文同弟周拱本處烏石山人氏昭告王大神仙座前聞有存金在九仙山麓業經五百年大仙之後裔已興祈賜與弟子啓文得之則感體仙慈恩德不朽告畢化了冥帛回轉公館

西宮在西禪寺之東梁時王霸父贈自齊朝渡江入閩善黃老之術霸幼習之每登怡山經宿乃返年三十遊武夷至十六年始還歸居山南鑿井有白龜吐泉煉藥旣成點瓦礫爲金是歲閩中斗米千文乃鬻金運米以食貧者後以餘藥服之旬日如醉忽於所居皂莢樹下蟬脫貞元中觀察使李若初登樓望有五色雲當其宅遂以爲冲虛宮並祀徐登董奉任放爲四仙祠又十國春秋云蕭梁有王霸者王氏遠祖也居怡山爲道士常云吾子孫當王於此乃爲懺存壇下光啓中爛柯道士挖地得其詞曰樹枯不用伐壇壞不須結不滿一千年自有系孫列又曰後來是三王潮水蕩禍殃巖逢二年間未免有銷亡子孫依吾道代代封閩疆解者以潮水蕩禍殃謂王潮除禍患巖逢二年間謂陳巖未幾而亡也代代封閩疆謂潮與審知也

唐神童林傑王仙臺詩云

羽客已登雲路去 丹爐草木盡凋殘 不知千載歸何處 空使時人掃舊壇

周啓文同弟回至公館山後遺廠尚在燒暫日將况西林保曰石主都合工尾了不須趕緊可早些歇工散回明日早些來工匠遂收拾家私各散回去了正是欲降土內千得怪須設人問一劫欲知有無得金且聽下文分說

第十五回 明制精情懷紅紛女 原借銀今還紫黃金

却說林保早將衆石匠打發散回搬取板料把爐廠前後遮了周密到三更時候三人悄悄至廠燒起火爐林保執鋤頭向雙樹中間便劃劃四五尺深果現出穴道一壙內排七壙各存金磚一方惟一壙空其無物林保曰安人之卦果靈預曉得有七塊今開有七個壙金只六塊還有一塊落在何處耶周拱曰前夜土地公說只六塊並無說七塊林保曰壙現有七個怎麼有壙無金啓文曰講什麼得隔還要望蜀有了六塊就喜不勝言猶來開講被人知覺一釐都無林保便拿火鉗夾一塊投入壙中那塊金見火迸跳起來被林保鐵鉗壓住猶爭跳周拱將風櫃盡力拉扯燒至通紅纔不能動六塊入壙都一般迸跳都是用鐵鉗壓住皆燒至通紅夾入水中淬冷林保欲將壙來復平周拱曰天將明恐人遇着二位先將此物掣回待弟漫漫填壙林保便脫身面衣衫將六塊金磚包裹扎緊負在背上同啓文先回公館周拱望二人已去遠了即把廠門關緊把鋤頭向壙裡掘周拱怎比林保會使鋤頭盡力亂掘又掘二尺餘又有一壙再掘幾鋤現出一白綾帕卽忙抱起解開內仍是金磚裏帕乃自己畫坎卦之印怕忙存入懷內卽潛回公館先回進自房把金包密存箱內方纔放心還入上房喘息謂曰汝們驚不驚我牙關都驚破了到這里纔略定些啓文曰驚到罷了只恐是夢耶林保曰是夢不是夢且休說惟恐是金不是金纔笑話卽拿一塊角向倪底磨磨一看大喜曰正正大赤金蓋林保祖代會鑄銷金銀也周拱便拿出天秤對之各重百兩零二三錢不等統計共值白銀一萬有零周拱曰明早卽搬公館存箱中扛回送還財主本利都有啓文曰此阿堵物應該二弟得的拿來代兄還債是何道理周拱曰古

人一飯千金兄之德如山怎敢言報况見者有分以公辦公緣何無理林保曰二老爺乃孝悌之人豈有偏受以公辦公甚屬有理可將千二銀賞項來送與二老爺作聘金罷周拱曰亦不可只照舊將來勻分留三百分賞衆匠九百作三股分汝我三人各得三百便足了那六塊共六百兩零照時價算應值銀一萬八百兩零若去市中兌換難免不無風聲了寸土屬王可不必兌換即將此情由聲明疏上送還北山楊大人敬而又簡神喜人安無一點錯處即照此行之啓文猶不決林保又言始允時東方現白林保先趕後山爐廠內將地再行堆築平整滅了痕迹回來公館把內外一起收拾裝貯五楨撥夫抬回烏石山家中公館交屋主啓文到家將昨夜之事與吳安人說知吳安人曰二叔讓多得少古之鮑叔也林司務異姓同心世所罕有林保周拱同抬進房內青娘即與二人稱謝勞二位贊吳安人卦驗如神啓文早年房屋惟一排二櫺至爲官後又建二櫺後進一櫺小樓數櫺披樹四面圍牆中間屬內室外二櫺一廳堂一書房房設二床鋪周拱林保寢所各人衣箱放在自己床下林保工正待如同兄弟十分歡喜惟周拱掛念箱中時刻不安奈林保在房又不敢開視心急如火無計可施只得催林保叫傾銀匠來鎔金好送還財主林保薦一族兄名林候住在螺洲乃鎔鎔官匠與他兄弟不至漏洩啓文用之令林保自去請來今日去明日即帶同來林保食了早飯遂去周拱俟夜無人忙將房門緊閉想箱中之人如何幸今夜無人可請出來一會開門進房點上燈批出床下箱自言蔽殺蔽殺快請出來正在開箱床帳中攢出人來把周拱驚得一跳看真原來即是箱中之嬌娘又驚又喜急問曰小生只恐把卿蔽壞誰知紅杏早出牆來月英答曰蒙即再造之恩未得出來申謝今夜幸郎之傳侶不在奴家遂得出來相會以安郎心周拱遂手同坐床上謂曰彼此之情皆深豈不言謝惟聞卿言再造者莫非至此遭一切乎答曰奴姊妹們屬蓬瀛三島五百年均遭一切奴今獨蒙救護劫運既過又得五百年矣又問曰卿又得五百年之優悠恨小生臭皮囊再無滿百長久陪奉豈不可嘆答曰仙人總要意氣相投裏心和懌大必不負柳毅豈不是凡人焉能長遊海島乎周拱慌忙起立長揖曰謝神女金言又問曰卿前言最忌是火丙丁日不敢

移動今凡遇丙丁日必現出本來面目否答曰前未過劫運如六庚未入秋令忌火所制各要潛伏隱避今過劫轉一輪迴庚當秋令見何忌之乎前只能土遁今木火金水皆能遁也又曰現身上首飾衣服是何處來的今另裝新的穿不穿月英曰現身上首飾衣服俱是變化的還要避人穿新衣遁匪有碍俟將來不避人穿之又問曰今卿與小生長處卽如世人其山珍海錯羊羔美酒飯食必同也答曰要喫便喫只喫不得多又問曰卿曉文理必經過師傳耶答曰凡物之精英感受天地造化者必先潛聽儒士講究文藝一年只識得一字識至三百字便能變化人形五百字變化無窮卽妖狐亦然潛聽文藝者上也道行難成拜北斗者次也道行易著採補惟需還不肯恕矣又問曰卿有出頭之日否答曰出頭容易縮頭難卽君俟兄有公出之使日是奴家出頭日子又問卿之姊妹原體現存在內欲相見乎答曰精靈已燬惟是骷骸見之令人傷心切不可見又問曰卿知北山楊大人是何神明那里有許多銀子借與人耶答曰乃陳寶應之門客寶應兵敗伏誅將所有金銀盡存北山生死司有銀借人者不知也（北山卽今大坑山是也有識云前三山後三山倒卸粗蘆第一坑有人猜得着金銀九驪十八担）周拱因之曰實不相瞞家兄工料官銀被盜曾向借過銀一萬來今將欲所開之六塊金代兄送還可乎答曰神之借仁也郎之代還義也仁義之事有何不可又問曰如此番不遇卿安得橫財必負神之重債怎處答曰旣仁何論惟是神明之債借與人必不至負似此錙銖何足算也周拱問罷月英謂曰今奴家爲郎君執箕箒惟郎君前言誓不再娶奴亦有言在先只是無弦琴能玩不能調奈君之後事何周拱曰便得琴中趣何勞絃上聲夏侯之子承得曹氏之裔周氏尚有兄何無後耶月英感之曰皇天不負有心人耶二人問答天已大亮遂下床月英忽然不見周拱仍將房門鎖閉先去用了早飯後林保帶同林候並家私雜物僱人挑至直進後山樓下把前後門關緊先用過酒飯周拱將六塊金取出問林候曰此金何如林候接過看了訝曰此不是時金是古老金元紫的較今之大赤更好三成天下罕有惟西京金銀庫有之周老爺在那里得來啓文曰乃王老爺發來傾銷緞庫的林候曰王老爺亦無此寶莫非在那里開古

鑪得來隨開起木箱搬出家伙扇起紅爐將六塊燒紅暫碎十兩傾作一錠將傾六十錠尙剩一塊重一兩六錢每錠面上用銑暫都暫北山楊字記號自午傾至夜半方完留林候過了一夜次日備辦酒席款待四人共坐席間林候笑曰此金一定不是王老爺做若是王老爺的卽傳工匠進內鎔銷那里肯拿出外邊不怕人抽換耶必是周老爺開鑪得來莫瞞小人啓文笑而不答林保是個直人答曰哥既曉得切不可外揚因哥是弟手足以親及親纔敢請來林候曰豈有此理莫說周老爺是吾弟的恩官就不是亦不敢多言將來要將家眷搬來在此隣近居住還全藉大老爺抬舉照席罷周拱進內包出白金二兩送爲工資林候稱謝回去其家私隨後着人挑回林保將所傾六十錠排列桌上還餘一小錠曰這零數小錠不與別人送卜卦先生作卦資遂交周拱送進吳安人收了周啓文寫一張紅疏云蒙神顯應賜借白銀一萬茲備黃金六十錠每錠十兩共六百兩折銀一萬兩奉還原借之項外餘略奉利息仍呈在原處樓上祈遣將運回虔誠叩謝仁慈等字樣備了五牲果品香燭將六十錠用紅毡鋪排後樓把前後門封鎖畢令人挑去禮儀先行啓文乘轎不要跟隨林周二人行來到東郊外楊大人廟中排上禮儀祭完三人出廟一程回至家中將物禮烹調三人坐飲談談喫至更深安寢至次日同至樓上開門登樓那六十錠黃金去了五十七錠只餘三錠壓着一張字取看却是前在廟中焚化之借字猶在乃收金還字以五十七錠計值銀一萬收去其三錠乃作息不要收本不收息也三人不勝驚畏感激同議重修神宇報答卽至廟中喚廟祝交銀二百兩代爲備料興工修理不表

北山楊大人廟在桑溪里卽今打炮山邊相傳唐宋時一鄉人夢一金甲金盔神人至山麓自稱曰吾乃北山楊大人也次早溪中有神像自大坑裡流水旋繞不去鄉人異之抬上建廟祈禱必應聞有銀借人遠近皆向告貨實因急迫者寫明文約到禱祝將文約壓於香爐下而去來日搬起香爐果有銀如數至期照數送還將銀仍壓香爐下次日來取文約非正用者神亦不借至明末屬清之民不論緩急擁擠而告借者無還不肯借者則褻漫神怒一暨不借其神宇至今不知存否

啓文還了借債答謝神不收三錠之恩亦不獨受仍議勻分林保向啓文曰今日公私已完全美小人之匠首求爲轉詳退去明日便要作別回家啓文曰要退官匠容易來日卽代詳退只是一旦分離却捨不得耳林保曰小人亦捨不得奈妻子在家中不得不歸啓文曰如此不敢強留有時還要往來莫作外人只當親人一般也是夜辦席作餞三人同飲交談至天明又食了早膳吳安人全菊英送出三百兩白銀一錠黃金林保先辭後受前手所得工資陸續運回今將此金銀並衣服點心包好背於肩上吳安人亦出相送各有難捨之情林保次日回去螺洲了正是漫言土木粗工匠還是經綸俠丈夫欲知林保回家如何且看下文分解

第十六回 改王府第一樓啓勝 祭名山六千金暗隨

却說林保前只說螺江人未知家有何人原來家中有妻伍氏十分賢淑一男一女男名秀參女名玉蓮皆伶俐端莊爲匠之家原屬清淡惟此時協佐啓文造城建寺得工資歸來遂與妻計議改圖別業幫諸鄉人行商船往蘇州作客此且漫表再說周拱乃淮安人父大楓爲涿州司馬因忤當道罷職鬱氣而亡母孫氏相繼而卒只遺周拱一人倚傍堂兄周挺家中讀書時年十六歲值黃巢作亂天下淮南賊盜並起民不聊生老幼逃走周拱有姑丈蔣靖在福州觀察使陳巖部下爲副帥周挺因帶周拱來閩探投至福州時蔣靖已投范輝持兵拒王潮兵敗被戮周挺兄弟二人途窮糧絕將爲乞丐無奈把周拱賣在梨園爲戲子周挺得身價廿兩而去周拱爲梨園子弟諸凡歌舞學習盡皆通曉惟不肯包頭女粧上臺被打堅不順從那日戲帥將周拱綁吊在戲館門首人衆中鞭扑辱之適啓文經過觀見乃是不凡子弟遭人凌辱問知其詳十分憫惻隨口念曰檻車之困實堪憐周拱聞之回首喊曰旣蒙憐困孫陽何不一顧耶啓文大爲詫異便尙詢問始知乃本宗兄弟要將贖回戲頭不肯與贖因衆人說他乃周朴處士之子吳進士之婿纔不敢留衆鄉人卽將周拱放下先交啓文帶回至家對青娘說明皆喜遂取銀二十兩向戲頭贖回身契留在書房伴讀如同胞一般此一截乃補

明前之末言再說是日兄弟送林保出門回身進內吳安人曰林司務之份下已分去了尙有二叔之份下愚嫂代暫收存現遣月下老與二叔趕緊說親候叔婦過門交還周拱曰拱受大哥嫂之深恩天高地厚粉身碎骨難報於萬一還敢分什麼金銀可留與姪兒爲書本再者小叔自幼在淮安定有結髮不敢再聘啓文忙問數年未聞此言今何忽有此言耶周拱曰蒙人提拔自愧不暇敢言及此吳安人曰卽有原聘快遣人去迎娶來合卺周拱曰且漫要自去親迎纔娶得來但此時世居止弗定俟探得的實再去未遲吳安人隨問其閨閣周拱含胡答應其議親之事遂止是日周拱等不得天晚更進房內而月英早出來矣仍上床盤坐月英問曰郎君向日作何事周拱將金之事說知月英聽了此語便掩面悲啼周拱慰問月英曰同源姊妹遭此橫劫聞之心如刀刺雖是天數究竟是奴家棄舊迎新損人利己之過應分郎之一定早早辭却如再與奴兒之無有獨生之理也周拱曰早經辭却受不了惟祈勿悲再三勸解代其拭淚滅燈同枕而睡至天明依舊隱去了吳安人生有一子名理冰常在九仙山外祖家讀書時值長安梁王朱全忠挾天子以號令諸侯將移唐祚各鎮皆封爲王李茂貞爲岐王（陝西）楊行密爲吳王（江南）王建爲蜀王（四川）馬殷爲楚王（湖南）錢鏐爲吳越王（浙江）劉隱爲南漢王（廣東）高季昌爲荆南王（湖北）王審知爲閩王（福建）威武軍衙門爲第一樓（威武軍衙卽今之布司署軍門卽今之鼓樓）五代時割據十二國後又有（後蜀）孟知祥（南唐）徐知誥（湖南）周行逢（北漢）劉崇

按漢閩越王姓騶諱無諸禹之苗裔佐漢高祖誅秦項五年以功封本爵元鼎以後叛服不常徙民江淮間遣民自立治縣隸會稽南郡晉曰晉安唐曰閩州開元十三年改爲福州僖宗時黃巢再陷殺戮甚慘光州固始王潮偕弟審知從刺史王緒因暴自殺潮之兄弟以列校爲衆所推乃植劍卜審知拜劍劍躍起讓潮己副之審知約禮軍士開四門學校軍中號白馬三郎潮卒唐授審知節度使後梁封閩王或勸竊據答曰吾寧爲開門節度使不爲閉戶天子後唐諡爲忠懿時建譙樓門名威武下卽預備倉穀宋嘉定火重建元

泰定又火復建至正二十三年鷓尾吐氣如霧明宜德二年爲颶風所圯舊制樓高百尺廣二百八十尺石柱四十四議者以數不可極蓋海內第一巨觀也上層匾第一樓北匾拱宸內聯對云春到屏山滿地榕舖千頃碧烟籠海嶼上樓人踏一梯雲外聯北拱京華萬里輿圖雄海表南來道統千年文獻集閩中五虎爲案畫獅子屏以壓之中層匾寫海天鰲柱四字欄外時辰牌旁刻兩宮監左捧四時節候右捧值日甲子舊有銅壺滴漏時刻極準方伯郭公改造易之運回三日被燬乃大悔後從無揚厲之者

高冠夫人閩有詩云

憑虛一眺小烟寰

鶴背眞仙日往還

劍氣鬱葱籠八部

層欄縹渺壓三山

海中驚湧黿鰲柱

雲際雄撐虎豹關

今古遊踪如逝水

幾人作賦念時艱

閩王審知既封列王以福建霍童山爲東嶽遣使致祭以大工正周啓文爲主祭並祭太姥啓文奉命回家東裝來日啓行周拱至夜進房告知伊兄奉命祭霍童太姥二山之事月英喜曰奴家出頭之日期至矣惟不知往祭之處所可與江淮通途否周拱曰霍童山在溫麻西北二百餘里太姥山在溫東北二十餘里正在江浙之通途月英曰妙極碎銀與奴家數兩明日隨大伯同去溫麻卽着大伯帶回明婚正娶俾免郎君狐行鼠步周拱曰卿明天或與大伯同輿或另乘車馬好早備辦月英曰輕薄郎奴家那用與人同車共駕惟不識道路如識一刻卽到何須附隨郎君只在家中等候做光明的新郎便是了並無別囑也周拱曰若得玉出珠還莫言數兩碎銀卽傾囊亦是無妨月英曰帶多無用只取一包二兩一包五錢收存懷內笑曰今夜再瞞人偷睡一宵明日便行圖個不瞞人的回來漫漫再睡說罷遂同枕睡至天明起來月英向周拱曰奴家去也便不見了周拱卽出外邊料理行裝夫馬送兄上道回來守候不表且說那王月英一點精英暗附輿馬而去五日到了溫麻地方官迎接主祭官正備下公館住宿一夜來早又發前途月英只附溫麻遂止不去見館驛傍有一小茅店裡面無男子惟兩個老婦探訪明白遂現出形進店老嫗問曰女客官敢是要喫飯麼月英曰奴不是

喫飯便行的因一個同行作伴老人家未到要在婆婆店中住歇等伴行之人到時齊往福州覓親今有銀五錢先送做房租奴家自帶有乾糧不食婆婆的飯不知肯容留否那老嫗曰好極別人店中不備老身只有孀居婆媳二人在店做此賣飯的生意夜不招客投宿並孀居不便之處今女客官只歇數天便去就歇一二年也是無妨月英曰極久不過五六日還求婆婆內面有清靜的房間只須一堵與奴家安住便好老嫗答曰有清靜一堵恰好即打掃淨了與之住歇月英日夜只閉門在內半步不移老嫗不時送進茶湯亦接受之些須惟飯食皆不受二嫗以爲失羣淒况甚憐惜之正是欲遂光明蓮並蒂先粧流落雁離羣欲知後事如何且聽下文分說

第十七回 周啓文祭畢霍童太姥 王月英託遂正娶明婚

却說主祭正使周啓文與馬儀從住溫麻三日到了霍童地方官早接啓文其祭品已備設齊全在彼聽候贊禮官引導行禮讀祭文獻帛畢迎進公館住歇按溫麻卽福寧也

霍童山在福寧寧德縣十二都神仙霍童所居謂之霍林洞山下有三十六洞唐司馬承偵修煉於此山跨鶴飛昇天寶間改名仙遊閩王封爲東嶽山中幽巖深壑人迹罕到其中有卓筆峯石仙壇生龍鬚草及檀樹旁生竹一枝遇風動自掃壇上有石室盈丈有_檮藥石白石盆石盂玉鏡香爐皆天成也

宋全復詩云

霍童山峯凡六六

不知仙子在何方

秋風萬里一黃鶴

返照半林雙白鷗

長劍氣橫霄漢外

飛泉影落畫圖間

自憐懶作朝端客

訪道尋真自往還

趙迪遊霍童山詩云

萬仞峯巒翠作堆

誰知有路接蓬來

蒼頭童子纔雙立

白首使君遊一回

石上殘棋風掃竹 洞間飛鳥雨生苔

欲留信宿遲遲去

應待茅君跨鶴來

周啓文祭了霍童山畢隨至太姥山

太姥山在福甯東北百二十里舊名才山容成先生嘗棲之峯下石坪石臼尙存當時有老母仙去因名太母漢武帝命東方朔授天下名山文乃改母爲姥

薛令之有詩云

楊靈窮海島

選勝訪神仙

鬼斧巧開鑒

仙踪常往還

東歐冥漠外

南越渺茫間

爲問容成子

刀圭乞駐顏

啓文祭畢太老輿馬掣回到了溫麻仍下在公館住宿王月英探知既回便向店老嫗曰奴家在婆婆店中己六七日了那同行的人並不見到莫非年邁跌死坑下亦未可定奴今實對二位婆婆說出真情是去福州尋討原配之夫婿的今奴身無伴在此空等到幾時耶聞得前日去祭霍童山之主祭老爺是福州人今日回來又住歇在隔壁公館內須煩婆婆去問老爺可曉得奴家的原配夫婿下落否如知其下落求伊帶奴家同去福州尋討奴身剩有碎銀二兩都送與婆婆作謝勞倘他不知再來商量二個店嫗聞有銀二兩送他喜甚連聲答曰却原來女客官乃是孟姜女莫言隔壁倘再遠亦要代女客官走一遭惟不知怎樣問他還要教老身問他的話纔好去月英遂細細教之又說即管罵王魁薄倖那老爺自會認得他二嫗聽了明白老身會說拿來拐杖來到公館叫人進報有鄰婦求見要借問福州事情看門進內稟知啓文令帶進見是一個白髮之老婦問曰汝這老人家要問福州何事可說來店婦立於階下曰不問別的因福州有個姓周名拱是江淮人六年前來福州尋親竟不回轉敢問老爺可識得此人否啓文曰周拱我認得他汝問他爲甚店婦曰老爺認得好極他是沒良心薄倖負義的短命仔啓文呵之曰那人最停當並沒有甚麼不好之處汝怎麼開口便罵店婦曰老爺只是認得他還不知他的沒良心負義之處那薄倖自幼與江淮縣尉王欽老爺之女月英結姻後

兩家父母俱亡過隨遭反賊擾害那薄倖六年前來福州尋討姑丈蔣靖是福州大官說一到福州便來迎接原配結髮誰知那薄倖去享榮華迎新棄舊查無音信那原配王月英年已十七他的兄嫂將配別門月英堅志不從被兄嫂多少磨折難受連夜走出投水幸遇鄰翁搭救私帶他來福州尋討那薄倖大路不敢行帶由溫台州至此處歇在老婦店中那鄰翁偶得重病死了只乘月英一人弱質女郎又無盤費無家可歸日夜啼哭尋死是老身婆媳二人時刻防備勸解應許帶他去福州路略少哭奈老身婆媳俱是年邁又無次丁不能帶他前去近日又要尋死今幸老爺認識那薄倖周拱相煩寄信叫他趕來接若再遲不來其命必休別個老婆死去無妨惟此極齊整標致的死去遍天下去尋也沒有的啓文聽了冷汗驚出問曰此女現在何處嫗答曰在老婦店中二個月矣啓文曰湊巧的極周拱是我兄弟那女卽是我弟婦快去請來明日帶他回去店婦大喜忙回店中與月英說了一遍卽帶同進公館內啓文見了暗羨蓋世無雙之美謂曰周拱乃舍弟未曾迎新棄舊難得賢弟婦玉潔冰清萬水千山到此世間罕有明日帶同回去福州月英含羞不敢回言啓文向店婦曰老人家找二爺娘此番在汝店中到也十分多謝難爲汝停會我着人送銀子五兩與汝酬謝今仍帶二爺娘到汝店中再住一夜明日僱轎帶回福州店婦仍帶同月英啓文卽差人送銀五兩交與老婦月英又將身上二兩碎銀送與那店婦二人得銀七兩不勝歡喜過了一夜次早公館撥夫馬備一頂轎轎來店中抬月英同幫而行凡歇站必尋有女眷之館投宿曉行夜歇不覺到了福州啓文先趕王府復命回至家中見周拱曰愚兄此番差事是代弟出的帶一位弟婦歸來周拱開言佯驚問曰小弟已有原配那里有什麼弟婦啓文曰江淮王欽縣尉之女名月英現年十七歲隨後就到是不是周拱卽答曰此是弟之原配大哥在那里見着得帶來省啓文將溫廟老婦所說之言對周拱吳安人述了一遍語剛說完報二爺娘同行李到了吳安人出廳請月英下轎迎進內房姆孀齊行了禮坐定吳安人一見月英之花容自慙退避三舍曰難得才郎女貌並兼玉潔冰清男不重婚女亦不肯再嫁幾至招驢不意原定之絲羅千里跋涉來尋原配真是古今罕有